

# Kvena lingvo

La **kvena lingvo** estas lingvo el la finno-perma lingvaro parolata en norda Norvegio fare de la kvenoj. Pro politikaj kaj historiaj kialoj, ĝi ricevis la statuson de minoritata lingvo en 2005 kadre de la Eŭropa Ĉarto por Regionaj kaj Minoritataj Lingvoj. Lingvoscience, tamen, ĝi kalkuliĝas kiel reciproke komprenebla dialekto de la finna lingvo, kaj grupiĝas kune kun la dialektoj finne nomataj *Peräpohjola* kiel la tornival-finna lingvo, parolata en la valo de la rivero *Tornio* en Svedio.

Kontraŭe al populara kredo, la dialektoj parolataj de la kvenoj kaj kainuoj ne proksime rilatas. La kainua dialekto estas unu el la savoniaj dialektoj kiuj ekestis ekde la 16-a jarcento, kiam enmigrintoj de la historia provinco Savonio komencis ekloĝi en la norda, agrikulture nefekunda regiono Kainuu.

La kvena lingvo enprenis multajn pruntvortojn el la norvega lingvo, kiel ekzemple *tyskäläinen* (de la norvega vorto *tysk*, kiu signifas *germana*) anstataŭ la norma finna vorto *saksalainen*. La kvena lingvo ankaŭ uzas iujn malnovajn finnajn vortojn ne plu uzataj en Finnlando.

Enhavo
<b>Oficiala statuso</b>
<b>Geografia distribuo</b>
<b>Fonologio</b>
Vokaloj
Konsonantoj
<b>Ekzemplo</b>
<b>Eksteraj ligiloj</b>
<b>Referencoj</b>
Notoj
Ĝeneralaj referencoj

## Oficiala statuso

	<b>Kvena lingvo</b>
	<i><b>kvääni</b></i>
<b>Parolata en</b>	<u>Norvegio</u> (malplimulta lingvo)
<b>Denaskaj parolantoj</b>	2 000 – 8 000 <u>kvenoj</u> (stato de 2005) <sup>[1]</sup>
<b>Skribo</b>	<u>latina alfabeto</u>
	<b>Lingvistika <span>klasifiko</span></b>
<u>Urala</u>	
	<u>Finn-ugra</u>
	<u>Finno-perma</u>
	<u>Finna</u>
	<b>Kvena</b>
	<b>Oficiala statuso</b>
<b>Reguligita de</b>	<u>Q3422460</u>
	<b>Lingvaj kodoj</b>
<b>Lingvaj kodoj</b>	
<u>ISO 639-3</u>	fkv
<u>SIL</u>	fkv
<u>Glottolog</u>	kven1236
<u>Angla nomo</u>	kven
<u>Franca nomo</u>	kvène

Ekde la 1860-aj jaroj la registaro de Norvegio provis asimili la kvenojn. Ekzemple, la uzo de la kvena lingvo malpermesiĝis en lernejoj kaj registaraj oficejoj, kaj kvenlingvaj nomoj de urbetoj estis anstataŭitaj per norvegaj nomoj. Ekde 1970, la kvenoj kaj la sameoj en Norvegio malkaŝe rajtas uzi siajn originalajn denaskajn lingvojn, la kvenan kaj la samean, respektive, kaj la lingvoj estas instruataj al infanoj de tiulingvaj familioj en lernejoj. Malgraŭ tiu freŝa gajno de statuso kiel minoritata lingvo, estas ankoraŭ grava diskuto inter la kvenoj pri ĉu la finna ortografio estu aplikata al la lingvo aŭ ĉu nova ortografio devus esti kreata.

Ekde 2006, eblas studi la kvenan kulturon kaj lingvon en la Universitato de Tromsø,<sup>[2]</sup> kaj en 2007 la kvenlingva konsilio kreiĝis ĉe la kvena instituto (propralingve *Kainun institutti*), nacia centro pri la kvena lingvo kaj kulturo en Børselv, Norvegio. La konsilio subtenas skriban uzon de la kvena lingvo kaj ellaboras skriban normon por ĝi, sed uzas finnan ortografion por subteni la reciprokan komprenon inter finnoj kaj kvenoj.<sup>[3]</sup>

## Geografia distribuo

Hodiaŭ, plej multaj parolantoj de la kvena troviĝas en du norvegaj komunumoj, *Storffjord kaj Porsanger*. Kelkaj parolantoj troveblas en aliaj lokoj, kiel ekzemple *Bugøynes, Neiden, Vestre Jakobselv, Vadsø kaj Nordreisa*.

En nordorienta Norvegio, ĉefe ĉirkaŭ la Varanger-fjordo, la parolata lingvo tre similas al la norma finna lingvo, dum la kvena lingvo parolata okcidente de Alta, pro la en la areo proksimaj ligoj al la valo de la rivero *Tornio* ĉe la limo inter Finnlando kaj Svedio, estas pli proksime rilata al la tornival-finna lingvo parolata tie.

En registara raporto de 2005, la nombro de homoj parolantaj la kvenan lingvon en Norvegio estas taksita esti inter 2 000 kaj 8 000, depende de la kriterioj uzataj. Tamen, ekzistas tre malmultaj junuloj kiuj parolas ĝin, igante ĝin endanĝera lingvo.<sup>[1]</sup>

## Fonologio

La fonologio de la kvena estas esence la sama kiel tiu de la finna. Notindas tamen, ke dum en la norma finna anstataŭiĝis la malnova sono /ð/ per /d/, ĝi estas retenita en la kvena. Ekzemple, la vorto *meidän* ('nia') en la kvena estas *meidän* en la norma finna.

### Vokaloj

Kven havas 16 vokalojn, se oni inkluzivas la vokalolongecon:

	lango antaŭe		lango malantaŭe	
	lango ne rondigita	lango rondigita	lango ne rondigita	lango rondigita
<b>fermita vokalo (lango supre)</b>	<u>i</u> i:	<u>y</u> y:		<u>u</u> u:
<b>meza vokalo (lango mezalte)</b>	<u>e</u> e:	<u>ø</u> ø :		<u>o</u> o:
<b>malferma vokalo (lango sube)</b>	<u>æ</u> æ:		<u>ɑ</u> ɑ:	

Skribe la vokala longeco estas indikita per duobligo de la litero, ekzemple (yy) /y/ kaj (oo) /o/.

La grafemoj reprezentanta /ø/, /æ/ kaj /ɑ/ estas (ö), (ä) kaj (a), respektive.

### Konsonantoj

Kven havas 14 konsonantojn kiuj troviĝas en la denaska vortprovizo, kaj kvar konsonantoj kiuj troviĝas nur en pruntvortoj:

		<u>bilabiala</u>	<u>labial-dentala</u>	<u>dentala</u>	<u>alveolara</u>	<u>postalveolara</u>	<u>palatala</u>	<u>velara</u>	<u>glotala</u>
<u>nazaj</u>		<u>m</u>			<u>n</u>			<u>ŋ</u>	
<u>plozivoj</u>	<u>senvoĉaj</u>	<u>p</u>			<u>t</u>			<u>k</u>	
	<u>voĉaj</u>	<u>b</u>			<u>d</u>			<u>g</u>	
<u>Frikativo</u>	<u>senvoĉaj</u>		<u>f</u>		<u>s</u>	<u>ʃ</u>			<u>h</u>
	<u>voĉaj</u>			<u>ð</u>					
<u>trila</u>					<u>r</u>				
<u>alproksimanta</u>			<u>u</u>		<u>l</u>		<u>j</u>		

/b, d, g, ʃ/ estas nur trovitaj en pruntvortoj.

/u/ kaj /ʃ/ estas reprezentitaj en skribo per (v) kaj (S), respektive.

/ð/ estas reprezentita skribe per (đ).

/ŋ/ estas reprezentita skribe per (n) se sekvata de /k/, kaj (ng) se aparte longa, ekzemple (nk) /nk/ kaj (ng) /ŋ/

Ĝeminado (konsonanta longigo) estas indikita en skribado per skriba duobligo de la litero, ekzemple (mm) por /M/ kaj (ll) por /l/

## Ekzemplo

**Kvena:** <sup>[4]</sup>

*Kvääninkieli oon se kieli  
Mitä kväänit  
Oon puhuhneet ja vielä  
tääpänäki puhhuuvat,  
Kaj Mika oon säilynyt  
ruottalaistumisen  
Kaj norjalaistumisen Lapi  
minuriteettikielenä.  
Minun mielestä  
Torniolakson «meiän  
kieliki»  
Oon vanhaa kvääninkieli  
Tahi vanhaala  
Meidän kielelä  
kaihnuunkieli.*

**Norma finna:**

*Kveenin kieli sur se kieli, jota  
kveenit  
Ovat puhuneet ja vielä Tana  
päivänäkin puhuvat,  
Kaj joka sur säilynyt  
ruotsalaistumisen  
Kaj norjalaistumisen Lapi  
vähemmistökielenä.  
Minun mielestäni  
Torniolaakson "meidän  
kielikin"  
Sur vanhaa kveenin kieltä tai  
vanhalla  
Meidän kielellämme kainun  
kieltä.*

**Laŭvorta esperantlingva traduko:**

*La kvena lingvo estas la  
lingvo kiun la kvenoj  
parolis kaj ankoraŭ hodiaŭ  
parolas,  
kaj kiu postvivis tra svedigo  
kaj norvegigo kiel minoritata  
lingvo.  
Laŭ mia opinio la tornival-  
finna de la Tornio-valo  
Estas ankaŭ malnova kvena  
lingvo  
Aŭ en nia malnova lingvo,  
"Kainuu"-lingvo.*

## Eksteraj ligiloj

- landnomoj (ISO 3166) (<http://www.erikbolstad.no/g eo/verda/land/>) - Paĝo kun tradukoj de ĉiuj landnomoj al la kvena, finna, norvega, novnorvega kaj angla.



***Provejo en Kvena lingvo*** de Vikipedio  
ĉe Vikimedia Inkubejo

# Referencoj

---

## Notoj

1. <sup>↑</sup> <sup>1,0</sup> <sup>1,1</sup> Kvena Instituto (<http://www.kvenskinstitutt.no/kvener>)
2. <sup>↑</sup> Universitato de Tromsø (<http://uit.no>)
3. <sup>↑</sup> Irene Andreassen: artikolo "Et nytt skriftspråk blir til" (norvege: "nova skriblingvo estiĝas") (<http://www.kvenskinstitutt.no/sprak/spraknemnd/et-nytt-skriftsprak>)
4. <sup>↑</sup> "Miksi kvääninkieli kirjakielenä" de Terje Aronsen. El la gazeto *Ruijan Kaiku* el Tromsø, dulingva en la kvena kaj norvega, eldono 1/2004

## Ĝeneralaj referencoj

- La gramatiko *Kainun kielen grammatiikki* de Eira Söderholm, publikigita en 2007, komplete legeblas rete en la kvena (<http://uit.no/getfile.php?Pageld=7815&Fileld=18>) kaj en la norvega (<http://uit.no/getfile.php?Pageld=7815&Fileld=19>).
- fontoj pri la kvena lingvo en la retejo giellatekno.uit.no (<http://giellatekno.uit.no/cgi/index.fkv.en.g.html>)

---

Elŝutita el "[https://eo.wikipedia.org/w/index.php?title=Kvena\\_lingvo&oldid=5958030](https://eo.wikipedia.org/w/index.php?title=Kvena_lingvo&oldid=5958030)"

---

Ĉi tiu paĝo estis lastafoje redaktita je 20:58, 19 jun. 2016.

La teksto disponeblas laŭ la permesilo Krea Komunaĵo Atribuite-Samkondiĉe 3.0 Neadaptita; eble aldonaj kondiĉoj aplikeblas. Vidu la uzkondiĉojn por detaloj.